

Aplē Skouda ē anuo žemēs

(2003 m.)

Kāp sakē vēina žemaitē, Skouds bova ē būs Skouds. Ons ne kuoks vuokitiū miests, če īr Žemaitējē, ē če gīven tēkrē žemaitē, kēitē, ē ožsēspīrēi dēdliausē – tuokēj kāp Daukonts Sēmuons. Ons bova tuoks ožsēspīrēs, ka diel muoksla piests ēkē pat Vēlniaus noējē.

Da Skouds gal kuolītēis sava ēstuorējē, ka anuo žemēs bova pamēnavuotas jau senē: Apoulē – 1150 mētu, Skoudou, Muosiediou, Giesalams – 750 mētu. A girdiejuot aple Giesalus?

Aš jums papasakuosio.

Tēn kalnelē, šēšē opalē, daug medieliu, vo suodību puikumielis. Vuo kuoks pušīns. Grību gali tēmtē kiuociu kiuocēs – vēstēik vēsū nenurinksi.

Žmuonis kāp ē vēsē žemaitē – daug nesērokous, vuo ka ēšsēžiuos, veiziek, ka tēk ēš pada nenovērstomi.

Giesalā – ta žemē mon ī švēnta. Če aš gīveno, če īr mona muokīkla, katra bova atēdarīta 1919 metās. Juk vēskuo pagrinds īr tievū žemē, papruotē ē gimtuoji kalba. Aš eso tēkra žemaitē, eso užsēspīrusi kāp vuožka. Rokoujous žemaitēškā ē dainioujo žemaitēškā.